

中國佛寺志叢刊

趙樸初

印



清・釋實月纂

理安寺志

廣陵書社

理安寺志

理安寺志，八卷。清释实月纂。光绪三年（1877）杭州丁氏刊本，《武林掌故丛编》第一辑收录。实月字智朗，理安寺僧，自称「南涧五世孙」。经几度搜辑遗文故实，约于乾隆二十四年（1759）编成是志，曾请杭世骏校正志稿。前有实月自序及李因培、杭世骏序。

理安寺位于浙江杭州理安山麓，始创于五代吴越时期，初名涌泉禅院，又名法雨寺。伏虎志逢禅师为开山第一代祖师。南宋理宗曾幸寺中，敕改名「理安寺」，寓「国泰民安」之意。清康熙曾御题寺额并御书对联。

本志多处原缺。共分八卷，卷一「恩宠」载清雍正、乾隆间诏旨赐赉；卷二「梵宇」载寺之沿革及寺中建置；卷三「山水」载周围形胜；卷四「田亩」载寺属山产、田产；卷五「禅宗」载寺中历代住持事迹；卷六「规约」载明弘治（1488—1505）间法雨重兴寺宇后历代住持所订规约；卷七「著述」载寺僧文集、诗集、语录；卷八「艺文」载历代文人咏理安之诗文及与寺僧唱和之作。

理安寺志

光緒丙寅嘉平上

泮衡陽藝廬署首

理安寺圖


仁和陳霖署肩



山寺總圖

王
安
三
二
八





武林理安寺志序

昔如來言我得宰官之外護者爲文證明之垂諸久遠可以無恐亮哉言之不可已也此武林理安寺志習期上人請之堇浦太史作之而復丐余言弁其端歟余惟理安爲古涌泉院道風演迤遠有條序自有明中葉沈災小劫堙谷隕林緇素屏迹幸法雨濬流淨信結社粥魚茶板蔚爲禪叢桑海變故不百年而復盡斥其塵焉夫給孤初地功藉布金勢不能損齋鉢之斷粒敗衲之寸絲爲締構之助然至持鈴柝飾竿牘如市賈之相求淨業日微流塵眯目斯亦佛所

大恐也我

聖清光宅大千慈覆眾有於是法嗣性音遭際

世宗憲皇帝爲

聖祖仁皇帝祝釐特資貢金莊嚴法界廣儲福田

玉音耀于岩阿寶笈充乎反宇種種名相彈指雲湧檀捨之

宏爲梵典未覩之盛事斯其因緣固大不偶然矣志
之作也凡梵宇之成虧山水之形勝禪宗之正別疆
畝之至到與夫高流素侶裁詩選勝之蹟州次部居
紀載翔實而臚

三朝之恩寵以冠於前太史所序推本淨明忠孝之旨而願

與智朗勉思報效嗟乎慧業何邊不離空分此正如
來付囑所恃爲金湯者予雖阿難之多聞其竟不
爲一證明乎余以今春嘗扈

諱三至寺徧歷九溪十八澗之勝山翠四合飛泉泠然
魚鳴鳥啼

嘉澤翔泳不已思繼澹社之勝引而未得序太史之書輒
復神往蓋實爲茲寺慶所遭而不禁欣然樂其樂云

時

乾隆二十七年歲在壬午冬十月

賜進士出身

授光祿大夫內閣學士兼禮部侍郎提督浙江全省學

政今調江蘇學政加三級晉甯李因培撰

理安寺緣始有唐絕續之關縣延迄今約有三變伏虎開山一也法雨鼎建二也迦陵荷

兩朝不世之遇法域宏開

恩膏疊沛三也龍象護持興替有運不有紀載後將何稽向有寺紀四卷法雨大師所手定也斯時規條初設銓次未周抱殘守闕畱以有待智朗上人承諸尊宿之後節縮衣食誓發宏願欲以世出世間之文字成佛法之金湯禮幣及門請余秉筆小友周進士辰告湯孝廉韓齋爲余先撰長編芟蕪繁冗別爲入門釐然完備旣輟簡或設主客之辭以相難曰阿難號多聞

而文殊又欲離語言文字斯志之作其爲選事耶抑亦有大不得已於其中者耶余應之曰奚爲其選事也善則歸君臣子之義矧其君有善而可以愒置之茲寺之興出自

天家締造內府之金錢尙方之巧匠

錫資便蕃古無倫比

天章下賁照耀山谷大衆安居飽食宜如何仰答

高厚而不農力以竟成前人之緒與夫蚩蚩貿貿而忘所自來卽違淨明忠孝之旨每一念及通身汗下此上人惟日孜孜不遑暇逸豈完是書之本末也嗚呼創

寺難也創志亦難也前人爲其難上人不肯獨居于
易勞心焦思首尾十年而後乃潰於成其用力勤而
志亦堅且確矣余生長是邦食毛踐土與上人同在
併覆之內思報

國恩惟有文章鬱忠孝之忱借寺志畧一見端後有覽
者或亦鑒其志而深許之也夫

乾隆二十有五年十月朔

習試博學鴻詞前翰林院編修仁和杭世駿謹撰